

JU NARODNO POZORIŠTE

SARAJEVO

Broj:05-416/26

Sarajevo, 21.01.2026. godine.

Na osnovu člana 40. tačka o) Pravila JU Narodno pozorište Sarajevo, (broj:05-1672/23 od 14.03.2023. godine, člana 18. Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj:19/21, 10/22, 28/23 i 32/24), člana 15. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj: 10/23 i 12/24), Upravni odbor JU Narodno pozorište na sjednici održanoj dana 21.01.2026. godine, donosi sljedeću:

ODLUKU

1. Prigovor Alise Čajić, broj: 255/26 od 13.01.2026. godine na Obavijest i Listu uspješnih kandidata za radno mjesto: glumac III -1 izvršilac, na određeno vrijeme do 3 godine, broj:05-01-7985/25 od 22.12.2025. godine, se usvaja kao osnovan.

2. Stavlja se van snage Odluka o prijemu u radni odnos kandidata Issa Osmić na radno mjesto: *glumac III -1 izvršilac*, na određeno vrijeme do 3 godine, broj:05-8021/26 od 25.12.2025. godine i predmet se vraća u postupak ponovnog odlučivanja.

3. Nalaže se Komisiji imenovanoj Odlukom direktora Pozorišta broj:05-7008/25 od 04.11.2025. godine da u ponovljenom postupku izvrši formalno-pravnu provjeru kompletne konkursne dokumentacije, ponovi audiciju i stručnu procjenu kandidata, utvrdi činjenično stanje u skladu sa uslovima iz javnog Oglasa, sačini odgovarajući Zapisnik i Listu uspješnih kandidata.

Obrazloženje

Upravni odbor JU Narodno pozorište Sarajevo na 10. elektronskoj sjednici održanoj 21.01.2026. godine razmotrio je Prigovor kandidatkinje Alise Čajić, broj:255/26 od 13.01.2026. godine na Obavijest i Listu uspješnih kandidata za radno mjesto: glumac III -1 izvršilac, na određeno vrijeme do 3 godine, broj:05-01-7985/25 od 22.12.2025. godine kao i drugu dokumentaciju vezanu za postupku prijema u radni odnos za radno mjesto: glumac III -1 izvršilac, na određeno vrijeme do 3 godine.

U svom Prigovoru kandidatkinja Alisa Čajić navodi da je dana 22.12.2025. godine Komisija za provedbu javnog oglasa za prijem u radni odnos na određeno vrijeme do tri godine donijela Listu uspješnih kandidata broj:01-7985/25, a kao prvorangirani kandidat navedeno je lice Issa Osmić.

Alisa Čajić u svom Prigovoru dalje navodi da je javnim konkursom od dana 22.09.2025. godine navedeno da lice koje se prijavljuje na konkurs mora ispunjavati i posebne uslove. Pod tačkom a. posebnih uslova određeno je da lice mora imati Visoku stručnu spremu - VSS (VII stepen stručne spremlje) Akademija scenskih umjetnosti - odsjek gluma ili završen prvi ili drugi ciklus bolonjskog sistema studiranja sa najmanje 240 ECTS bodova, Akademija scenskih umjetnosti, Akademija dramskih umjetnosti, Fakultet dramski umjetnosti.

Kao dokaz o navedenom, odnosno dokumentaciju koju su kandidati dužni dostaviti (original ili ovjerena fotokopija ne starija od 6 mjeseci) navedena je pod alinejom tri „diploma o stečenoj stručnoj spremi“. U Prigovoru se dalje navodi da je na zvaničnoj stranici Akademije scenskih umjetnosti Sarajevo navedeno da je lice Issa Osmić student IV godine za akademsku 2024/2025 godinu na odsjeku za glumu. Isti je kao takav akademsku godinu 2024/2025 u zakonskom smislu mogao završiti najkasnije do 30.09.2025. godine, a svečana promocija i dodjela diploma studentima je održana 20.12.2025. godine. Imenovani nije mogao posjedovati niti imati diplomu u trenutku predaje dokumentacije.

Dalje se prigovara na činjenicu da je Audicija koja je održana dana 20.12.2025. godine snimana video-audio zapisom te da je kao takva nezakonita u skladu sa Zakonom o zaštiti ličnih podataka.

Razmatrajući prigovor kandidatkinje Alise Čajić Upravni odbor JU Narodno pozorište Sarajevo je utvrdio sljedeće činjenice:

Javnim oglasom propisano je da kandidat uz prijavu dostavlja **diplomu o stečenoj stručnoj spremi (original ili ovjerenu kopiju)**, kao dokaz ispunjavanja općeg uslova stručne spremlje. Također, u tački b) posebnih uslova propisano je da kandidat mora imati jednu godinu radnog iskustva ili biti bez radnog iskustva nakon sticanja diplome, čime je pojam „sticanja diplome“ određen kao pravno relevantna referentna tačka za ocjenu ispunjenosti ovog uslova.

Uvidom u dostavljenu dokumentaciju utvrđeno je da je prvorangirani kandidat **Issa Osmić**, u roku za podnošenje prijava, dostavio **uvjerenje o završenom studiju**, dok diploma o stečenoj stručnoj spremi u tom trenutku nije bila dostavljena.

Iako navedeno uvjerenje potvrđuje završetak studija, ono formalno ne predstavlja dokument koji je izričito zahtijevan tekstom javnog oglasa, niti iz njega proizlazi pravno relevantan datum sticanja diplome kao osnove za primjenu posebnog uslova iz tačke b).

Imajući u vidu da je postupak zapošljavanja u javnoj ustanovi strogo formalne prirode, te da je organ obavezan postupati isključivo u granicama i na način propisan javnim oglasom, bez mogućnosti proširenog ili naknadnog tumačenja uslova, Upravni odbor je ocijenio da u konkretnom slučaju nije bilo moguće na zakonit i pouzdan način utvrditi ispunjenost svih propisanih uslova konkursa.

Posebno se ističe da prihvatanje dokumentacije koja nije izričito predviđena javnim oglasom može dovesti u pitanje **načelo jednakog tretmana kandidata i transparentnosti postupka**, što je suprotno osnovnim principima javnog zapošljavanja.

Ne dovodeći u pitanje zakonitost već provedenih radnji u dijelu stručne procjene kandidata, Upravni odbor daje preporuku nadležnoj komisiji i organizacionoj jedinici da se u budućim postupcima audicije, u slučaju snimanja, obavezno pribavi **izričita, prethodna i dokumentovana saglasnost svih kandidata za audio i/ili video snimanje**, u skladu sa propisima o zaštiti ličnih podataka i prava na privatnost.

Upravni odbor JU Narodno pozorište Sarajevo Prigovor Alise Čajić, broj:255/26 od 13.01.2026. godine, sa četiri glasa za i jednim suzdržanim glasom **usvaja kao osnovan**.

Stavlja se van snage Odluka o prijemu u radni odnos Isse Osmića na radno mjesto: *glumac III -1* izvršilac, na određeno vrijeme do 3 godine, broj:05-8021/26 od 25.12.2025. godine i predmet se vraća u postupak ponovnog odlučivanja

PRAVNA POUKA: Odluka Upravnog odbora JU Narodno pozorište Sarajevo je konačna i protiv iste nezadovoljni kandidat ima pravo podnošenja tužbe nadležnom sudu u roku od 30 dana od dana dostavljanja ove Odluke.

PREDSJEDNICA UPRAVNOG ODBORA

Irina Efendić Adžajlić

Dostaviti:

- Alisa Čajić,
- Issa Osmić,
- Upravni odbor,
- direktor Pozorišta,
- Komisija,
- Web stranica,
- a/a.